

MANIFESTO PODRŠKE

Udruženje PROI, Federalno ministarstvo zdravstva, Zavod za javno zdravstvo Federacije BiH, te kantonalni zavodi za javno zdravstvo FBiH, smatraju da je donošenje novog zakona o kontroli i ograničenoj upotrebi duhana, duhanskih i ostalih proizvoda za pušenje ključ za zdravo građanstvo i istinski razvoj zajednice.

Prepoznajemo da:

- Jedan od najvećih faktora rizika i uzroka smrtnosti u svijetu je duhanski dim.***
- Svake godine, duhan ubija gotovo 6 miliona ljudi u svijetu. Više od 8,300 ljudi u BiH godišnje umre od bolesti direktno povezanim sa duhanskim dimom.***
- Pušenje i posredno pušenje predstavljaju ozbiljnu opasnost po zdravlje ljudi.***
- Duhanski dim uzrokuje: 17 vrsta raka, moždani udar, bolesti srca i astmu.***
- Ovisnost o duhanu doprinosi siromaštvu BiH. Stanovništvo u BiH dnevno za duhan troši u prosjeku 4,76 miliona KM.***
- Ovisnost o duhanu smanjuje radnu produktivnost.***
- Duhanski dim zagađuje životnu sredinu. Više od 4.000 štetnih hemikalija se nalazi u dimu duhana.***
- Pravo na čist zrak i zdravo okruženje je osnovno ljudsko pravo, a upravo je ono direktno ugroženo duhanskim dimom.***

I zato je potrebno:

- Kontinuirano educirati sve članove društva koji mogu imati uticaja na implementaciju novog Zakona.***
- Uvođenje u predškolske i školske planove prilagođenih programa koji adresiraju problem upotrebe duhana i štetnih posljedica posrednog pušenja.***
- Osiguranje boljeg inspekcijskog nadzora i edukacija inspektora.***
- Javne kampanje koje promovišu novi Zakon i pozitivne efekte njegove pravilne primjene.***

Apeliramo na vlasti FBiH da ispunjavaju svoje obaveze preuzete raticiranjem Okvirne Konvencije za Kontrolu Duhana Svjetske Zdravstvene Organizacije te osiguraju poštivanje i zaštitu ljudskih prava kao što je određeno u UN-ovom Odboru za ekonomska, socijalna i ljudska prava (2011):

1. Poštivanje: Vlada ima obavezu izbjegavati razvoj legislativa koje negativno utječu na ljudska prava direktno ili indirektno, uključujući pravo na zdravlje, pravo na život i čistu okolinu, kao i pravo na pristup informacijama;

2. Zaštita: Vlada ima obavezu da zaštiti zdravstvene politike koje se odnose na kontrolu duhana i ljudska prava od komercijalnih i drugih interesa duhanske industrije;

3. Ispunjavanje: Vlada ima obavezu da usvoji i implementira strategije i politike koje garantiraju pravo na zdravu okolinu. Time bi se sadašnje i buduće generacije u BiH zaštitile od razornih zdravstvenih, socijalnih, ekonomskih i ekoloških posljedica konzumiranja duhana i izlaganja duhanskom dimu.

**PRUŽAMO SVOJU PODRŠKU I APELIRAMO DA VLADA FBIH HITNO USVOJI I
EFIKASNO IMPLEMENTIRA NOVI ZAKON O KONTROLI I OGRANIČENOJ
UPOTREBI DUHANA, DUHANSKIH I OSTALIH PROIZVODA ZA PUŠENJE, ŠTO ĆE
OMOGUĆITI STANOVNIŠTVU FBIH ŽIVOT U ZAJEDNICI U KOJOJ SVAKA OSOBA
IMA PRAVO I MOGUĆNOST DA ŽIVI KVALITETAN ŽIVOT.**

Ispred institucije:

Potpis ovlaštene osobe:
